

SOALAN LAZIM PROGRAM MATRIKULASI KEMENTERIAN PENDIDIKAN MALAYSIA (KPM)

SOALAN 1

Bilakah Program Matrikulasi KPM ditubuhkan dan apakah keistimewaannya?

JAWAPAN 1

Penubuhan Program Matrikulasi KPM bermula hasil daripada keputusan Mesyuarat Jemaah Menteri pada 10 Mac 1999 sebagai persediaan pelajar bumiputera lulusan Sijil Pelajaran Malaysia (SPM) untuk melanjutkan pengajian ke peringkat ijazah pertama di universiti awam (UA) dalam bidang sains, teknologi dan profesional. Mulai sesi 2003/2004, 10 peratus daripada keseluruhan pelajar Program Matrikulasi KPM ditawarkan kepada pelajar bukan bumiputera.

Keistimewaan Program Matrikulasi KPM ialah:

- a) Program ini diiktiraf oleh semua UA dan turut diiktiraf oleh universiti terkemuka luar negara (Senarai universiti luar negara terdapat pada soalan no. 24).
- b) Program ini menawarkan pendidikan yang menyeluruh merangkumi bidang akademik dan pembangunan kemahiran insaniah. Pelajar Program Matrikulasi KPM berpeluang menyertai aktiviti-aktiviti sehingga ke peringkat kebangsaan.
- c) Lulusan Program Matrikulasi KPM akan menerima Sijil Matrikulasi yang melayakkan mereka memohon berkhidmat dalam Perkhidmatan Awam pada Gred 29 dalam 39 skim perkhidmatan (Surat Pekeliling Perkhidmatan Bilangan 3 Tahun 2016 yang berkuat kuasa mulai 1 Januari 2017).
- d) Kos pengajian dan penginapan ditanggung oleh Kerajaan. Semua pelajar Program Matrikulasi KPM hanya perlu membayar yuran pendaftaran sahaja semasa mendaftar.

- e) Terdapat 15 buah kolej matrikulasi KPM di seluruh Malaysia dan 2 Kolej MARA yang mengendalikan Program Matrikulasi.

SOALAN 2

Bagaimanakah cara memohon Program Matrikulasi KPM?

JAWAPAN 2

Mulai sesi 2021/2022 pelajar lepasan SPM 2020 boleh memohon terus ke Program Matrikulasi KPM melalui <http://matrikulasi.moe.gov.my>.

SOALAN 3

Apakah jurusan dan aliran yang ditawarkan?

JAWAPAN 3

Program Matrikulasi KPM menawarkan tiga jurusan iaitu:

1. Jurusan Sains:

- a) Sains Hayat
- b) Sains Fizikal
- c) Sains Komputer

2. Jurusan Kejuruteraan:

- a) Kejuruteraan Asas
- b) Kejuruteraan Awam
- c) Kejuruteraan Elektrik & Elektronik
- d) Kejuruteraan Mekanikal

3. Jurusan Perakaunan

- a) Perakaunan
- b) Perakaunan Profesional

SOALAN 4

Apakah syarat permohonan ke Program Matrikulasi KPM?

JAWAPAN 4**SYARAT KELAYAKAN PERMOHONAN**

- Pemohon mesti berumur tidak melebihi 20 tahun pada 1 Januari 2021.
- Pemohon mesti mendaftar mata pelajaran berikut dalam peperiksaan Sijil Pelajaran Malaysia (SPM) tahun 2020.

a. Jurusan Sains

Bahasa Melayu, Bahasa Inggeris, Sejarah, Matematik, Matematik Tambahan, Kimia dan salah satu mata pelajaran sama ada Fizik atau Biologi.

b. Jurusan Kejuruteraan

Bahasa Melayu, Bahasa Inggeris, Sejarah, Matematik, Matematik Tambahan, Kimia, Fizik dan satu (1) daripada mata pelajaran seperti yang berikut:

Biologi/ Sains Tambahan/ Lukisan Kejuruteraan/ Pengajian Kejuruteraan Awam/ Pengajian Kejuruteraan Mekanikal/ Pengajian Kejuruteraan Elektrik & Elektronik/ Asas Kelestarian/ Pertanian/ Sains Rumah Tangga/ Reka Cipta / Sains Komputer/ Sains Sukan/ Lukisan Kejuruteraan/ Grafik Komunikasi Teknikal/ Prinsip Perakaunan / Ekonomi/ Perdagangan/ Perniagaan.

c. Jurusan Perakaunan

Bahasa Melayu, Bahasa Inggeris, Sejarah, dan Matematik
Pemohon juga perlu mengambil mana-mana tiga (3) mata pelajaran seperti yang berikut:

Fizik/ Kimia/ Biologi/ Matematik Tambahan/ Sains/ Sains Tambahan/ Lukisan Kejuruteraan/ Asas Kelestarian/ Pertanian/ Sains Rumah Tangga/ Reka Cipta / Sains Komputer/ Sains Sukan/ Lukisan Kejuruteraan/ Grafik Komunikasi Teknikal/ Prinsip Perakaunan/ Ekonomi/ Perdagangan/ Perniagaan/ Pendidikan Syariah Islamiah/ Tasawwur Islam/ Pengajian Kejuruteraan Awam/ Pengajian Kejuruteraan Mekanikal/ Pengajian Kejuruteraan Elektrik & Elektronik

d. Jurusan Perakaunan Profesional

Bahasa Melayu, Bahasa Inggeris, Sejarah, Matematik dan Matematik Tambahan. Pemohon juga perlu mengambil mana-mana dua (2) mata pelajaran seperti yang berikut:

Fizik/ Kimia/ Biologi/ Sains/ Sains Tambahan / Lukisan Kejuruteraan/ Asas Kelestarian/ Pertanian/ Sains Rumah Tangga/ Reka Cipta/ Sains Komputer/ Sains Sukan/ Grafik Komunikasi Teknikal/ Prinsip Perakaunan/ Ekonomi/ Perdagangan/ Perniagaan/ Pendidikan Syariah Islamiah/ Tasawwur Islam/ Pengajian Kejuruteraan Awam/ Pengajian Kejuruteraan Mekanikal/ Pengajian Kejuruteraan Elektrik & Elektronik

SOALAN 5

Apakah syarat minimum permohonan ke Program Matrikulasi KPM?

JAWAPAN 5**SYARAT KELAYAKAN MINIMUM PROGRAM MATRIKULASI**

Memperoleh sekurang-kurangnya gred berikut dalam peperiksaan SPM 2020:

- **Jurusan Sains**

C Bahasa Melayu

C Bahasa Inggeris

B Matematik

C Matematik Tambahan

C Kimia

C Fizik atau Biologi

Lulus Sejarah

- **Jurusan Kejuruteraan**

C Bahasa Melayu

C Bahasa Inggeris

B Matematik

C Matematik Tambahan

C Fizik

C dalam satu daripada mata pelajaran berikut:

Biologi/ Sains Tambahan / Lukisan Kejuruteraan/ Asas Kelestarian/ Pertanian/ Sains Rumah Tangga/ Reka Cipta/ / Sains Komputer/ Sains Sukan/ Grafik Komunikasi Teknikal/ Prinsip Perakaunan/ Ekonomi/ Perdagangan/ Perniagaan/ Pengajian Kejuruteraan Awam/ Pengajian Kejuruteraan Mekanikal/ Pengajian Kejuruteraan Elektrik & Elektronik

Lulus Kimia

Lulus Sejarah

- **Jurusan Perakaunan**

C Bahasa Melayu

C Bahasa Inggeris

C Matematik

C dalam tiga (3) daripada mata pelajaran berikut:

Fizik/ Kimia/ Biologi/ Matematik Tambahan/ Sains/ Sains Tambahan/ Lukisan Kejuruteraan/ Asas Kelestarian/ Pertanian/ Sains Rumah Tangga/ Reka Cipta/ Sains Komputer/ Sains Sukan/ Grafik Komunikasi Teknikal/ Prinsip Perakaunan / Ekonomi/ Perdagangan/ Perniagaan/ Pendidikan Syariah Islamiah/ Tasawwur Islam/ Pengajian Kejuruteraan Awam/ Pengajian Kejuruteraan Mekanikal/ Pengajian Kejuruteraan Elektrik & Elektronik

Lulus Sejarah

- **Aliran Perakaunan Profesional**

C Bahasa Melayu

A- Bahasa Inggeris

A Matematik

C Matematik Tambahan

A dalam tiga (3) daripada mata pelajaran berikut:

Fizik/ Kimia/ Biologi/ Sains/ Sains Tambahan/ Lukisan Kejuruteraan/ Asas Kelestarian/ Pertanian/ Sains Rumah Tangga/ Reka Cipta/ Sains Komputer/ Sains Sukan/ Lukisan Kejuruteraan/ Grafik Komunikasi Teknikal/ Prinsip Perakaunan/ Ekonomi/ Perdagangan/ Perniagaan/ Pendidikan Syariah Islamiah/ Tasawwur Islam/ Pengajian Kejuruteraan Awam/ Pengajian Kejuruteraan Mekanikal/ Pengajian Kejuruteraan Elektrik & Elektronik

Lulus Sejarah

SOALAN 6

Apakah bidang yang boleh diceburi di peringkat ijazah pertama bagi setiap jurusan yang ditawarkan?

JAWAPAN 6

1. **Jurusan Sains** – Perubatan, Kejuruteraan, Pergigian, Farmasi, Sains, Teknologi Maklumat, Seni Bina, Kejururawatan, Sains Forensik, Sains Kesihatan Bersekutu dan lain-lain.
2. **Jurusan Kejuruteraan** – Kejuruteraan, Seni Bina, Keselamatan dan Kesihatan Pekerja dan bidang teknikal lain.
3. **Jurusan Perakaunan** – Perakaunan, Pengurusan, Perniagaan, Ekonomi, Pentadbiran Awam/ Awam, Teknologi

Maklumat, Pengurusan, Sumber Manusia, Undang-Undang dan lain-lain.

4. Aliran Perakaunan Profesional – Sijil Profesional Association of Chartered Certified Accountants (ACCA) di UiTM.

SOALAN 7

Bolehkah murid lepasan SPM yang tidak mengambil mata pelajaran Matematik Tambahan memohon Jurusan Perakaunan?

JAWAPAN 7

Boleh. Mulai tahun 2021, Matematik Tambahan bukan merupakan mata pelajaran wajib dalam pilihan bagi Jurusan Perakaunan.

SOALAN 8

Apakah yuran yang perlu dibayar oleh pelajar Program Matrikulasi KPM?

JAWAPAN 8

Hanya yuran pendaftaran sahaja yang dikenakan. Tiada yuran lain yang dikenakan. Kos pengajian dan kos penginapan adalah ditanggung sepenuhnya oleh Kerajaan.

SOALAN 9

Berapakah yuran yang dikenakan kepada pelajar Program Matrikulasi?

JAWAPAN 9

| JURUSAN | ALIRAN | YURAN (RM) |
|--|--|-------------------------|
| Jurusan Sains | Semua | 499.60 |
| Jurusan Kejuruteraan | Semua | 499.60 |
| Jurusan Perakaunan | Perakaunan | 446.60 |
| | Perakaunan Profesional | Semester 1: 1,046.60 |
| | * tertakluk kepada perubahan pertukaran matawang | Semester 2: 1,690.00 |
| Sistem Empat Semester (Tahun Ke-2) bagi Jurusan Sains Sesi 2020/2021 | Semua | 296.60 |
| Sistem Dua Semester Mengulang Sesi 2020/2021 | Semua | 296.60 |

Tidak termasuk yuran *Malaysia University English Test (MUET)

SOALAN 10

Bagaimanakah proses pemilihan pelajar dibuat?

JAWAPAN 10

Pemilihan pelajar dibuat berdasarkan meritokrasi. Pengiraan merit mengambil kira 90% markah akademik dan 10% markah kokurikulum.

SOALAN 11

Di manakah lokasi Program Matrikulasi KPM dilaksanakan?

JAWAPAN 11

Program Matrikulasi KPM dilaksanakan di 15 buah kolej matrikulasi KPM dan dua buah kolej MARA seperti yang berikut:

1. Kolej Matrikulasi Melaka, Masjid Tanah.
2. Kolej Matrikulasi Negeri Sembilan, Kuala Pilah.
3. Kolej Matrikulasi Pulau Pinang, Kepala Batas.
4. Kolej Matrikulasi Perlis, Arau.
5. Kolej Matrikulasi Labuan, WP Labuan.
6. Kolej Matrikulasi Johor, Tangkak.
7. Kolej Matrikulasi Perak, Gopeng.
8. Kolej Matrikulasi Kedah, Changlun.
9. Kolej Matrikulasi Pahang, Gambang.
10. Kolej Matrikulasi Selangor, Banting.
11. Kolej Matrikulasi Kelantan, Pasir Puteh.
12. Kolej Matrikulasi Sarawak, Kuching.
13. Kolej Matrikulasi Kejuruteraan Kedah, Pendang.
14. Kolej Matrikulasi Kejuruteraan Pahang, Jengka.
15. Kolej Matrikulasi Kejuruteraan Johor, Pontian.
16. Kolej MARA Kuala Nerang, Kuala Nerang (Jurusan Perakaunan).
17. Kolej MARA Kulim, Kulim (Jurusan Sains).

SOALAN 12

Adakah setiap kolej matrikulasi menawarkan jurusan yang sama?

JAWAPAN 12

- Jurusan Sains ditawarkan di semua kolej matrikulasi kecuali di Kolej Matrikulasi Kejuruteraan dan Kolej MARA Kuala Nerang.
- Jurusan Kejuruteraan hanya ditawarkan di:
 - ✓ Kolej Matrikulasi Kejuruteraan Kedah

- ✓ Kolej Matrikulasi Kejuruteraan Pahang
- ✓ Kolej Matrikulasi Kejuruteraan Johor
- Jurusan Perakaunan ditawarkan di semua kolej matrikulasi kecuali Kolej Matrikulasi Kejuruteraan, Kolej Matrikulasi Sarawak dan Kolej MARA Kulim.
- Jurusan Perakaunan Profesional hanya ditawarkan di Kolej Matrikulasi Selangor.

SOALAN 13

Bagaimanakah cara untuk menyemak keputusan calon jaya ke Program Matrikulasi KPM?

JAWAPAN 13

Calon boleh menyemak keputusan calon jaya ke Program Matrikulasi KPM melalui <http://matrikulasi.moe.gov.my>.

SOALAN 14

Saya memohon Jurusan Sains semasa mengisi borang permohonan secara dalam talian dan saya berjaya ditawarkan Jurusan Sains. Namun sekarang saya lebih berminat dalam Jurusan Perakaunan. Apa yang perlu saya lakukan?

JAWAPAN 14

Permohonan pertukaran jurusan adalah bergantung kepada kekosongan. Walau bagaimanapun pelajar boleh membuat rayuan kepada Pengarah kolej masing-masing selepas mendaftar.

SOALAN 15

Bolehkah saya menanggung pendaftaran?

JAWAPAN 15

Boleh, walau bagaimanapun ia tertakluk kepada syarat berikut:-
Jika tempoh penangguhan **kurang daripada LIMA hari** dengan sebab munasabah (contoh: kematian, kemalangan dll), permohonan rasmi perlu dibuat kepada pengarah kolej yang ditawarkan.

Jika **LIMA hari ATAU lebih**, permohonan rasmi secara bertulis perlu dibuat kepada Pengarah Bahagian Matrikulasi di Putrajaya.

SOALAN 16

Bilakah saya boleh membuat rayuan sekiranya tidak mendapat tawaran kemasukan ke Program Matrikulasi KPM?

JAWAPAN 16

Rayuan boleh dibuat **secara dalam talian** melalui <http://matrikulasi.moe.gov.my> selepas keputusan diumumkan.

SOALAN 17

Bagaimanakah cara untuk menyemak keputusan rayuan ke Program Matrikulasi KPM?

JAWAPAN 17

Keputusan rayuan boleh disemak melalui <http://matrikulasi.moe.gov.my>. Keputusan berdasarkan kekosongan tempat di Program Matrikulasi KPM.

SOALAN 18

Adakah pelajar dari Sabah, Sarawak dan WP Labuan boleh ditempatkan di Semenanjung Malaysia?

JAWAPAN 18

Tidak, kecuali pelajar yang ditawarkan **Jurusan Kejuruteraan dan Aliran Perakaunan Profesional**.

SOALAN 19

Bolehkah saya memohon pertukaran kolej?

JAWAPAN 19

Boleh sekiranya memenuhi syarat berikut:

1. pelajar memerlukan rawatan perubatan berkala disebabkan sakit kronik yang berpanjangan;
2. adik beradik kembar atau abang/kakak atau adik ditempatkan di kolej matrikulasi berlainan; dan
3. pertukaran dari Semenanjung ke Sabah/ Sarawak atau sebaliknya.

Permohonan perlu dikemukakan kepada Pengarah Bahagian Matrikulasi KPM.

SOALAN 20

Adakah saya dibenarkan untuk menangguh pengajian?

JAWAPAN 20

Dibenarkan bagi pelajar yang memerlukan rawatan berterusan disebabkan masalah kesihatan kronik. Walau bagaimanapun pelajar perlu mendaftar di kolej matrikulasi yang ditetapkan sebelum memohon penangguhan pengajian. Kelulusan penangguhan ini hanya dibenarkan sekali sahaja dan perlu mendapat kelulusan Pengarah kolej tempat anda mendaftar.

SOALAN 21

Adakah saya perlu menginap di asrama sepanjang pengajian dalam Program Matrikulasi?

JAWAPAN 21

Semua pelajar disediakan penginapan di asrama secara percuma sepanjang pengajian dalam Program Matrikulasi dan diwajibkan menginap di dalam kolej.

SOALAN 22

Adakah bantuan pendidikan disediakan?

JAWAPAN 22

Bagi pelajar daripada keluarga B40, M40 dengan had pendapatan RM10,000.00 ke bawah akan diberi bantuan sara hidup pelajar sebanyak RM250 sebulan sepanjang pengajian. Bagi pelajar asnaf, bantuan kewangan Baitulmal/Pusat Zakat dan lain-lain boleh dipohon.

SOALAN 23

Adakah saya dikenakan penalti jika berhenti daripada menamatkan pengajian di Program Matrikulasi KPM?

JAWAPAN 23

Pelajar yang berhenti daripada Program Matrikulasi KPM dikehendaki membayar penalti mengikut Prosedur Operasi Standard Pengurusan Pelanggaran Perjanjian Program Matrikulasi KPM yang berkuatkuasa pada 1 Januari 2016 (Pindaan 2017) **KECUALI:**

- a) Pelajar mengikuti program ijazah pertama di luar negara, **atau**

- b) Pelajar mengikuti program ijazah pertama kelolaan Institut Pendidikan Guru Malaysia, Kementerian Pendidikan Malaysia, **atau**
- c) Pelajar mengikuti mana-mana Program Asasi atau Ijazah dalam negara dengan tajaan JPA, MARA, agensi-agensi kerajaan dan korporat, **atau**
- d) Pelajar mengalami masalah kesihatan yang berlarutan selepas pernah diluluskan sekali penangguhan pengajian dengan sokongan laporan perubatan hospital kerajaan atau hospital pakar swasta sahaja, **atau**
- e) Sebab-sebab lain mengikut keputusan Jawatankuasa Pengurusan Pelanggaran Perjanjian Program Matrikulasi KPM.

SOALAN 24

Saya berminat untuk menyambung pengajian ke luar negara, boleh berikan universiti-universiti yang menerima masuk Program Matrikulasi di luar negara?

JAWAPAN 24

Antara universiti terkemuka yang menerima masuk lulusan Program Matrikulasi KPM adalah seperti berikut: -

United Kingdom:

- | | |
|------------------------------|------------------------------|
| 1. King's College London | 9. University of Southampton |
| 2. University College London | 10. St. Mary's University |
| 3. University of Bristol | |
| 4. University of Manchester | |
| 5. University of Birmingham | |
| 6. University of Nottingham | |
| 7. University of Sheffield | |
| 8. University of Surrey | |

Australia:

1. Australian National University
2. University of Sydney
3. Monash University
4. University of Queensland
5. University of Melbourne
6. University of Adelaide
7. University of New South Wales

New Zealand:

1. University of Auckland
2. University of Canterbury
3. University of Otago
4. Victoria University of Wellington
5. Massey University
6. Lincoln University
7. Waikato University
8. Auckland University of Technology

*Pelajar perlu memebuhi syarat yang ditetapkan oleh universiti berkenaan.

SOALAN 25

Apakah pakej kursus yang ditawarkan dalam Program Matrikulasi?

JAWAPAN 25

| JURUSAN | ALIRAN | KURSUS TERAS | KURSUS WAJIB |
|---------|---------------|---|---|
| Sains | Sains Hayat | <ul style="list-style-type: none"> • <i>Mathematics</i> • <i>Chemistry</i> • <i>Physics</i> • <i>Biology</i> | <ul style="list-style-type: none"> • <i>English</i> • Pengajian Am Matrikulasi • Pendidikan Islam/Moral • Kokurikulum |
| | Sains Fizikal | <ul style="list-style-type: none"> • <i>Mathematics</i> • <i>Chemistry</i> • <i>Physics</i> • <i>Computer science</i> | |

| JURUSAN | ALIRAN | KURSUS TERAS | KURSUS WAJIB |
|--------------|-----------------------|--|--------------|
| | Sains Komputer | <ul style="list-style-type: none"> • <i>Mathematics</i> • <i>Chemistry</i> • <i>Biology</i> • <i>Computer science</i> | |
| Kejuruteraan | Asas | <ul style="list-style-type: none"> • <i>Mathematics</i> • <i>Chemistry</i> • <i>Physics</i> • <i>Basic engineering</i> | |
| | Awam | <ul style="list-style-type: none"> • <i>Mathematics</i> • <i>Chemistry</i> • <i>Physics</i> • <i>Civil engineering</i> | |
| | Elektrik & Elektronik | <ul style="list-style-type: none"> • <i>Mathematics</i> • <i>Chemistry</i> • <i>Physics</i> • <i>Electric & Electronic engineering</i> | |
| | Mekanikal | <ul style="list-style-type: none"> • <i>Mathematics</i> • <i>Chemistry</i> • <i>Physics</i> • <i>Mechanical engineering</i> | |
| Perakaunan | Perakaunan | <ul style="list-style-type: none"> • <i>Mathematics</i> • <i>Accounting</i> • <i>Ekonomi</i> • <i>Pengurusan Perniagaan</i> | |

| JURUSAN | ALIRAN | KURSUS TERAS | KURSUS WAJIB |
|---------|------------------------|--|--------------|
| | Perakaunan Profesional | <ul style="list-style-type: none"> • <i>Mathematics</i> • <i>Financial Accounting</i> • <i>Management Accounting</i> • <i>Accountant in Business</i> | |

SOALAN 26

Bagaimanakah pencapaian akademik pelajar dinilai?

JAWAPAN 26

Pencapaian akademik pelajar dinilai berdasarkan kaedah seperti berikut:

- i. Penilaian Berterusan (PB) – tugas individu/kumpulan, laporan amali, esei, pembentangan, ujian praktikal, forum dan lain-lain.
- ii. Peperiksaan Semester Program Matrikulasi (PSPM)
 - Sistem Purata Nilai Gred Semester (PNGS) dan Sistem Purata Nilai Gred Kumulatif (PNGK) digunakan bagi menentukan pencapaian akademik pelajar.

SOALAN 27

Apakah syarat kelayakan pelajar untuk menerima sijil matrikulasi KPM?

JAWAPAN 27

Pelajar layak menerima Sijil Matrikulasi KPM jika memenuhi syarat-syarat seperti yang berikut:

- i. Berdaftar sebagai pelajar Program Matrikulasi KPM
- ii. Mengambil sekurang-kurangnya empat kursus teras dan empat kursus wajib yang ditetapkan di Program Matrikulasi KPM
- iii. Keputusan diperolehi dalam satu peperiksaan sahaja
- iv. Menamatkan pengajian Program Matrikulasi KPM dalam tempoh yang ditetapkan

SOALAN 28

Bilakah Aliran Perakaunan Profesional (JPro) mula diperkenalkan?

JAWAPAN 28

Mula diperkenalkan pada sesi 2017/2018. Perjanjian antara ACCA dan Bahagian Matrikulasi telah ditandatangani pada tahun 2019.

SOALAN 29

Bagaimanakah pemilihan pelajar JPro dibuat?

JAWAPAN 29

Pemilihan pelajar dibuat berdasarkan kelulusan syarat kemasukan Program Matrikulasi KPM iaitu syarat am, syarat minimum, pengiraan merit mengambil kira 90% markah akademik dan 10% markah kokurikulum, lulus ujian aptitud dan temu duga. Hanya ditawarkan kepada pelajar Bumiputera.

SOALAN 30

Bila dan bagaimanakah saya boleh tahu saya ditawarkan untuk temu duga JPPro?

JAWAPAN 30

Calon yang terpilih untuk ditemu duga juga akan dihubungi melalui e-mel yang didaftarkan di dalam borang permohonan.

SOALAN 31

Saya memohon ke JPPro, adakah saya terus diterima ke aliran tersebut?

JAWAPAN 31

Calon perlu lulus ujian aptitud dan temu duga sebelum ditawarkan untuk mengikuti JPPro. Calon jaya akan diumumkan melalui <http://matrikulasi.moe.gov.my>

SOALAN 32

Bila dan di manakah temu duga JPPro akan diadakan?

JAWAPAN 32

Temu duga akan diadakan secara dalam talian. Calon akan dimaklumkan mengenai tarikh temu duga melalui e-mel yang didaftarkan di dalam borang permohonan.

SOALAN 33

Apakah persediaan untuk ujian aptitud dan temu duga JPPro?

JAWAPAN 33

Calon perlu mempunyai akses internet untuk ujian aptitud dan temuduga. Arahan dan panduan akan diberikan sebelum ujian aptitud dan temu duga diadakan.

SOALAN 34

Bolehkah murid lepasan SPM yang tidak mengambil mata pelajaran Matematik Tambahan memohon JPPro?

JAWAPAN 34

Matematik Tambahan merupakan mata pelajaran **wajib** untuk memohon Jurusan Sains, Kejuruteraan dan Aliran Perakaunan Profesional di Program Matrikulasi KPM.

SOALAN 35

Apa yang berlaku sekiranya saya tidak lulus ujian aptitud dan temu duga?

JAWAPAN 35

Tidak akan ditawarkan ke JPPro tetapi boleh merayu untuk ke Jurusan Sains/ Kejuruteraan/ Perakaunan.

SOALAN 36

Berapa lama tempoh pengajian sebenar JPPro?

JAWAPAN 36


Pelajar akan mengikuti JPPro di KMS selama 1 tahun, dan akan menyambung pengajian di UiTM selama 2 ½ tahun.

SOALAN 37

Apakah keistimewaan JPPro?

JAWAPAN 37

- *Certified Accountant* (Akauntan bertauliah) pada umur 25 tahun



- Kerjasama dengan UiTM, ACCA Malaysia dan diiktiraf oleh ACCA Global
- Telah menandatangani MOU dengan ACCA Malaysia pada Julai 2019.
- Pelajar tamat dengan Sijil Matrikulasi dan kelayakan menyambung pengajian dalam bidang perakaunan professional di UiTM.

SOALAN 38

Selepas tamat JPro di matrikulasi, saya tidak berminat untuk menyambung pengajian dalam bidang perakaunan, adakah saya boleh menyambung pengajian dalam bidang lain?

JAWAPAN 38

Pelajar masih boleh menyambung pengajian lain di peringkat ijazah pertama dalam bidang selain perakaunan Profesional seperti pengurusan, ekonomi dan lain-lain. Pelajar JPro juga merupakan lepasan matrikulasi.

SOALAN 39

Bolehkah saya memohon ke mana-mana UA selepas tamat pengajian dalam JPro?

JAWAPAN 39

Keutamaan untuk pelajar menyambung pengajian dalam bidang Perakaunan Profesional di UiTM (ACCA). Pelajar yang mengikuti JPro yang lulus dan layak akan menyambung pengajian bagi mengikuti program ACCA. Bagi pelajar yang tidak memenuhi syarat kelayakan untuk menyambung program ACCA di UiTM boleh memohon untuk menyambung pengajian dalam jurusan lain di UiTM atau mana-mana universiti lain sesuai dengan kelayakan.

SOALAN 40

Bolehkah saya memohon pertukaran kolej sekiranya saya mengikuti JPro?

JAWAPAN 40

JPro hanya ditawarkan di **Kolej Matrikulasi Selangor**.

SOALAN 41

Apakah perbezaan antara Aliran Perakaunan dengan Aliran Perakaunan Profesional (JPPro)?

JAWAPAN 41

Perbezaan adalah syarat kelayakan minimum dan mata pelajaran yang diambil kira dalam pengiraan merit.

| ALIRAN PERAKAUNAN | | ALIRAN PERAKAUNAN PROFESIONAL |
|--|--|--|
| Perakaunan | KURSUS YANG DIPELAJARI SEPANJANG TEMPOH PENGAJIAN | <i>Accounting in business</i> |
| Ekonomi | | <i>Management accounting</i> |
| Pengurusan perniagaan | | <i>Financial accounting</i> |
| Matematik | | Matematik |
| Perakaunan, pengurusan perniagaan, ekonomi, pentadbir pengurusan awam, teknologi maklumat, pengurusan, sumber manusia, undang-undang dan lain-lain | PELUANG KE BIDANG PENGAJIAN | Sijil Akauntan Bertauliah yang dianugerahkan oleh <i>Association Of Chartered Certified Accountants (ACCA)</i> |

**SOALAN LAZIM
PROGRAM MATRIKULASI
KEMENTERIAN PENDIDIKAN MALAYSIA**

DISEDIAKAN OLEH

**Bahagian Matrikulasi
Kementerian Pendidikan Malaysia
Kemaskini pada 12 April 2021**